

Mohd Amirul Kasyful Nur bin Zulkifli

From: Unit Komunikasi Korporat
Sent: 28 Mac 2017 11:39
To: UUM - All Staff; UUM - All Students
Subject: HIKMAH DI SEBALIK MUSIBAH - DATO' SHAREEN



Unit Komunikasi Korporat
CORPORATE COMMUNICATION UNIT
Universiti Utara Malaysia



28 MAC 2017 / 29 JAMADILAKHIR 1438H
=====

"UUM : UNIVERSITI PENGURUSAN TERKEMUKA"
(THE EMINENT MANAGEMENT UNIVERSITY)

Oleh: Siti Fatimah Abdullah
Gambar oleh: Abdul Halim Husain

HIKMAH DI SEBALIK MUSIBAH - DATO' SHAREEN



UUM ONLINE: “Kepada mereka yang ingin bergelar usahawan atau berhasrat menjadi jutawan, nak jadi apapun kena *start* dulu sebab kita banyak *planning*, *paper work* berbelas-belas *page* tapi tak berniaga pun, jadi *make the first move*.”

“Masalahnya orang kita nak tunggu hebat baru nak ke depan, bermulalah walau dengan hanya menjual goreng pisang itu adalah usaha ke arah usahawan bila dah ada duit boleh jadi ejen dan *dropship* misalnya ada yang baru umur 19 tahun dibayar komisen sehingga RM120,000 sebulan.”

“Apa yang boleh dilakukan hari ini buat segera jangan tangguh kerja.. dengan memberi pelbagai alasan, esoklah.., nantilah nak tunggu dapat *loan* dulu, yang penting mulakan langkah pertama,” demikian perkongsian usahawan berjaya, Dato’ Sharifah Shareen Almashoor sempena Hari

Wanita Sutranita 2017 yang bertemakan Wanita Hebat Pemangkin Masyarakat di Dewan Seminar B, Pusat Konvensyen, baru-baru ini.

Lulusan Sarjana Muda Hal Ehwal Antarabangsa dari Universiti Utara Malaysia itu melepaskan jawatannya sebagai Pegawai Tadbir Diplomatik (PTD) untuk menceburi perniagaan cenderahati dan pakaian korporat sehingga membuahkan kejayaan memberangsangkan.

Selain mengecapi kemewahan, dirinya seperti insan lain yang tidak terlepas dari ujian sebagai tanda kasih sayang dan peringatan daripada Allah.

“Ujian yang datang sesuatu yang menyakitkan, menyedihkan akan tetapi bila bila cuba fahami dalam hati nurani, kita kena tengok balik apa sebenarnya yang Allah nak bagi, insya-Allah kita akan dapati banyak hikmah di sebalik ujian.

“Di saat saya ada segalanya dalam hidup, duit berjuta, rumah, hartanah, kilang dan nama, saya diuji dengan kanser pada usia 35 tahun. Semua yang saya miliki tidak berguna langsung bila mendapat penyakit kanser sebab tahu nak mati dah, macam-macam yang bermain di fikiran dan fikir negatif.

“Sewaktu saya terlantar di hospital, Allahyarham Datuk Dr Haron Din datang menjenguk dan saya menangis semahu-mahunya. Babah (panggilan untuk Datuk Dr. Haron Din) tanya, *kenapa menangis?* Lalu saya jawab *I will die soon*, babah tanya *mana l’zrail?* Saya terkelu dan pandang kiri kanan.

“*Dah kata nak mati.. mana malaikat yang nak cabut nyawa? Pah, kamu antara insan terpilih, Allah sayang kamu,*” luahnya yang bagai tersedar semula selepas bertemu Allahyarham Datuk Dr Haron Din dan beliau bangkit melawan penyakit dengan berfikiran positif, ikhtiar dan redha dengan segala ketentuanNya sehingga kembali sihat

Setelah melalui episod duka dalam hidup, kini beliau lebih menghargai apa yang ada terutama keluarga dan hikmah yang lebih besar, jangan mencari selain Allah.

“Saya kongsi perkara ini supaya orang lain sedar setiap orang ada musibahnya, cuma lain-lain ujian ada yang diuji dengan penceraian, suami meninggal tetapi sebenarnya bila jadi ibu tunggal, dia menjadi lebih kental pagi petang bekerja untuk menyara anaknya.

“Sebenarnya bila ada tekanan dalam hidup kita menjadi lebih *survival*, agresif sebab tak ada pilihan, kalau aku tak kerja aku mati atau anak aku mati.

Jelasnya, apabila ingin melibatkan mahasiswa dalam keusahawanan, universiti perlu berfikir bagaimana cara Gen Y berfikir.

“Kita tak boleh guna cara ortodoks seperti emel, web dan website, zaman sudah berubah kita kena tahu dan faham Gen Y dengan melibatkan mereka dalam aktiviti universiti, cari apa elemen yang membuatkan mereka tertarik seperti Instagram,” ujarnya.

Sementara itu, Yang Dipertua Sutranita, Datin Seri Norhayati Nazri menyifatkan Hari Wanita amat bermakna kepada Persatuan Wanita UUM (Sutranita) untuk meraikan wanita sebagai tulang belakang yang menyokong UUM.

“Wanita dihormati dan diberi kedudukan mulia dalam Islam. Persoalannya, adakah hak yang diberi benar-benar dijalankan, kita bimbang kesibukan mengejar duniawi menyebabkan kita lalai dari menjalankan tanggungjawab sebagai anak, isteri dan ibu.

“Melihat gejala sosial yang membimbangkan seharusnya kita menyoal diri apakah kita telah menunaikan tanggungjawab, sudah cukupkah kita sebagai anak menjalankan tugas kepada ibu bapa, sudahkah kita menyempurnakan hak sebagai permaisuri di hati suami.

“Bukan mudah untuk kita patuh arahan suami tanpa membantah tetapi ketaatan dan kesabaran merupakan harga yang perlu dibayar untuk mendapat syurga Allah.

“Peranan wanita kelihatan mudah tetapi memerlukan jiwa kental untuk melaksanakannya sekiranya gagal, maka porak perandalah keluarga,” tambahnya yang merupakan isteri Naib Canselor.

Ujarnya, wanita ini lembut jiwanya sesuai asalnya dari tulang rusuk adam tetapi harus dipelihara dan dicintai agar tidak mudah patah maka wanita harus ditangani dengan bijaksana.

“Jadilah wanita hebat sebagaimana Siti Khadijah, isteri kesayangan Rasulullah SAW yang berjaya dalam perniagaan, Siti Hajar tabah dan sabar dengan dugaan yang menguji nurani keibuannya atau Asiah yang taat perintah Allah walau diuji dengan bersuamikan Firaun,” luahnya.

Dalam pada itu, Pegawai Dietetik dari Hospital Besar Sultanah Bahiyah, Noor Lailina Moha Mohtar turut menyampaikan bicara kesihatan selain dimeriahkan dengan gerai yang menjual aneka produk.



Universiti Utara Malaysia Official Website <http://www.uum.edu.my>

Disclaimer: This e-mail (including any attachments) may contain confidential information. If you are not the intended recipient, you are hereby notified that any review, distribution, printing, copying or use of this e-mail is strictly prohibited. If you have received this e-mail in error, please notify the sender or Universiti Utara Malaysia (UUM) immediately and delete the original message. Opinions, conclusions and other information in this e-mail that do not relate to the official business of UUM and/or its group of companies shall be understood as neither given nor endorsed by UUM and UUM accepts no responsibility for the same. All liability arising from or in connection with computer viruses and/or corrupted e-mails is excluded to the fullest extent permitted by law.